

ANNA-TASNA

BIZKAIA



188 zenb. 1970, • Maiatzak 15
Apartado 17 • GALDAKANO

EIBARKO ZINA

1970-ko maiatzaren 1-goa, euskera batuaren egutegian izar dirdaitsu bezala geratuko da. Eibarko bilera hau, gure izkuntzaren batasun bidean, benetan aurrerakada ausarta* izan da. Ba genkian, batasunaren kezka eraginda gabiltzanok bizpahiru baino gehiago ginana. Ba genkian, Euskalerriko indar barri guztiei asmo bardinak bultz egiten euskuna. Baina batzar bat eratu ta indarrok lotzea ta sendoaztea beharrezkoa zan. Il edo biziko une larri honetan, minuturik bere ezin geinke galdü; ta euskeraren etorkizuna batasun honetan ipintzen dogunok ba dakigu, geroko gerorako ametsetan ibilteak izkuntzaren erio-tza esan nahi dauana.

Goizeko 10,30-tan emon jakon asikera batzarrari. Lehenengo, Torrealday jaunak artu eban itza, eta laburkiro adierazo euskun, "euskeraren batasuna aurrera zelan eroan" izango zala bilerako* gaia. Berehala, eskuartzaile bakoitzak bere ize-na ta bere eginkizunen barri emon eban. Eskuartzaileak —idazle, alfabetaztaile ta irakasle— berrogei ta amar inguru ginan.

Batasunaren Kutxa

Ondoren, laster aterako dan "Batasunaren Kutxa" izeneko liburua-ren barri emon eban Gabriel Arestik. Hona hemen, il honetan LUR-ek argitaratuko dauan lan honen mamina: batasunaren aldeko zina*, ortografiako erregelak, aditzaren ikasketa zehatza, deklinabidea ta 6.000 itzeko iztegi bateratua.

Gero, Mitxelena jaunak hemendik urfabetera euskerazko aditz batua zelan eskainiko* dauan esan ondoren, bitartean aditzaren erabilkeran onartzen diran aukeren gaia ikutu zan, Xabier Kintanak eta Patxi Altunak, gai honetan daben konpetentzia andiaz, eta beste batzuek bere bai, ohar baliotsurik egin eban.

Zalantza* bagarik, gatxa da eritxi guztiak bateratzea, arrazoiak otzean aztertzen ahalegindu arren, ertz lausoko azpi-sentimentuen eragina zeharo baztertzea erraza ez da ta.

Zina

Azkenik, eldu zan han batu gina guztion ametsari gorputz emoteko ordua: batasun bidetik ezparrik* bage jarraitzeko asmoa daben guztien zina* izenpetzeko unea. Idazleen Elkartekoak eta nahi izan eban gainerako guztiak euskera batuz idazteko erabagia euren firmaz



Golan: Mikel Ugalde, Jon Zorrozu, Serafin Basauri, Xabier Lete, Lurdes Gandiaga, Markox Amundarain, Patxi Altuna Iñaki Beobide, Imanol Berriatua, Imanol Lazpiur, Juan Antonio Aroma, Aranberria, Angel Zelaieta, ta beste batzuek.
Behean: Enbeita, Olanga; Jazinto Setien, Mari Karmen Garmendia, Begoña Arregi Jose Luis Eglreun, Zulaika, ta beste batzuek.

sendotu eban. Zin hau ez zan itz emote itsua izan, euskera batua bultzatzeko bakoitzak dauan asmo sendoaren agergarri leiala baino. Halan eta guzti bere, Mitxelena jaunak proposatuko dauan euskera batua agertu artean, izenpetzailea bere eskuko* da "Batasunaren Kutxa"-ko ereduari oharrak egiteko. Baina formaren bat onartu nahi ez dauanak, ha baztertzeo dituan arrazoiak agertu behar ditu, eta haren ordez zein erabiliko leuken "Kutxako giltzariei" proposatu.

Eritxi ta elburu

Ia eskuartzaile aina firma batu ziralta esan beharrik ez dago. Eibarren batu ginan danok ez gara eritxi bardin bardinakoak teknika arazo guztietan; baina, oinarrizkoenean eten ezinezko loturaz alkartuta gagozan ezker, alkarriketan sortu daitekezan zailtasunak ez deuskue bildurrik emoten. Itz eginaz eta leialki alkarri norbere arrazoiak azalduaz, bat etortzen dira gizonak.

Zoritxarrez, gaurko Euskalerrian, gizontasunak berezkoa dauan irigitasun eta patxada horren eskasia andiegia daukagu. Niretzat, Eibarren bilerako* gauzarik pozgarriena hauxe izan zan: eztabaida ta berroaldi batzuek gorabehera, oinarrizko idealean eta elburu* bardinera begira alkartuta dagozanak oztipo guztiak garaitu ta aurrera egiten dabela. Euskeraren gau ilunean itxaropenezko argi printza.

X. Mendiguren

